



南詔野史

ル 5
3130
1



門 凡 5
3130
卷 1

南詔野史

昭和十四年
六月八日
購求

雲南圖書
館藏板

南詔野史原序

帝王有天下有國史以紀事有野史以僉載滇雖邊徼亦有野錄但所紀多釋老不經兼漫漶無序六詔事竟罔聞知予成滇久欲一考求弗得適黔國沐公雲樓出古滇集示庠士始得披閱焉視中丞箬溪顧公南詔事畧則加詳矣無何復得前知蜀威遠縣事滇人倪輅所集野史一冊而六詔始末具備誠郡乘之稗史也不壽諸梓不猶秘論衡者乎因蒼萃成編名曰南詔野史而是編也有四善焉辨方也訛俗也好古也傳後也上以廣

南詔野史 卷一
國家方輿一統之盛下以備古今滇雲始末之詳比於虞
初九百之說方朔三千之牘不庶幾其有益乎爰序而書
之

崑

皇明嘉靖二十九年庚戌歲秋八月四川新都楊慎升菴
氏撰

南詔野史新序

遊萬里而不識其山川疆土古今人事物類之數則猶弗
遊識矣而又不能筆於簡冊備夫考求仍弗遊也予嗜古
而好遊兩涉滇南往來三迤行且數數每於登眺流連之
際緬懷往古輒欲援以証今而風塵輿馬間探索有所未
逮間日披覽志乘於滇雲典故始畧識其概迨後辱修白
井東川二志則一方之紀載又具焉然常竊疑山叢然而
高水潺然而深都會非不大也區市非不廣且奧也蒼蒼
莽莽其區市都會之外豈古來之荒遠寂寞盡若此乎及

南詔野史 卷一
讀升菴先生南詔野史一編所紀類多志乘所闕遺而蒙
段九姓竊土僭號其始末尤詳指所在而求之則山巔水
涯宜無不得其遺迹者是荒遠者非荒遠而寂寞者非寂
寞滇雲典故於斯爲備而後嘆嗜古之非易而好遊之不
多得也於是訂其僞佚正其踳駁錄而并諸行笈以爲登
眺之資述而不作則亦守夫尼山之教云

皆

大清乾隆四十年乙未歲季冬月吉且湖南武陵胡蔚羨
門氏序於葉榆之旅邸

增訂南詔野史目錄

上卷

南詔之稱

六詔考

南詔分野

南詔歷代稱名不同

南詔歷代據土總綱

南詔稱謂官制

南詔三十七蠻部

南詔野史

卷一

目錄

南詔歷代

鄯闡國

白崖國

昆彌國

滇國

白子國

建寧國

大蒙國

大長和國

大天興國

大義寧國

大理國

大中國

後理國

下卷

段氏總管

南詔歷代名宦

南詔歷代鄉賢

附元朝進士

南詔各種蠻夷 凡六十條

南詔古蹟 凡八十條

紀事

續紀事

滇南月節詞

增訂南詔野史上卷

明四川新都楊 慎升菴編輯

大清湖南武陵胡 蔚羨門訂正

南詔之稱

蠻夷稱王曰詔先時滇有六詔各據其地六詔中蒙舍詔最強後併吞五詔故獨稱南詔

六詔考 六詔之地東西四千九百里南北二千九百里

蒙舍詔 蒙舍詔處五詔之南後奴邏曾獲皮邏閣併吞五詔獨

稱南詔今 澄賧詔 豐詳立國居鄧川今 施浪詔 施望久

蒙化廳是 大理府鄧川州是

浪穹彌茨河蒙次和山浪穹詔豐時立國居浪穹後其

今大理府浪穹縣是越析詔波衝立國亦稱摩娑詔又號

屬劍川州地是後其兄之子子贈蒙雋詔雋輔立國居越雋今四

南詔分野

在天井鬼入參一度漢書次鶉首未位晉書麗中台上位

北斗開陽一星宋書在地乃梁州裔土蜀之苑囿河圖緯

南詔歷代稱名不同

周鄯闡國白崖國昆彌國戰國時滇國漢西南夷益州白子國後漢建甯國晉宋齊梁陳甯州隋昆州唐初南甯六

詔唐文宗太和間名鄯闡府宋仍名南詔元名中慶明名

雲南省

國朝因之按漢武帝元狩元年彩雲見南中在今大理府

南之名始此唐元宗間蒙舍詔盛邏皮之相張建一作成

任何處曰南邊雲下因命為雲南又元宗見祥雲起名祥

州今大理府之雲南縣也

南詔歷代據土總綱

鄯闡國蒙苴頌昆彌國莊躡仁果龍佑那據於周秦漢迄六朝細奴邏據於唐鄭買嗣趙善政楊子貞段思平高昇

南詔野史 上卷
秦暨正澹相繼據於唐末迄南宋凡歷有九姓而雍闥孟
獲不與焉段氏於南宋理宗壬子淳祐十三年爲蒙古所
滅而段實於理宗景定二年襲總管傳十二世明太祖壬
戌洪武十五年平雲南擒段世并段明之二子苴仁苴義
賜苴仁官雁門衛鎮撫苴義官武昌衛鎮撫段氏之世上
方絕而又別封其族人段保爲大理府雲龍州土知州

國朝尚有襲土職者

南詔稱謂官制

南詔稱帝曰驃信王曰詔自稱曰元稱后曰信麼亦曰九
麼妃曰進武兄曰容弟曰鍾下曰景其設官則有把國事
八人曰坦綽曰布燮曰九贊謂之清平官曰酋望曰正酋
望曰員外酋望曰大將軍曰員外又設九爽之名爽省也
功爽主官人宗爽主戶籍萬爽主財用慈爽主禮引爽主
賓客幕爽主兵罰爽主刑厥爽主工作禾爽主商賈皆清
平官酋望大軍將兼之以清平官子弟爲羽儀長八人清
平官見王不得佩劍惟羽儀長佩之又有六曹長二人曹
長有功陞大軍將大軍將凡十二人又立三託巨託主倉
廩氣託主馬祿託主牛大府主將曰演習副曰演覽中府

南詔里身
主將曰繕裔副曰繕覽下府主將曰澹酋副曰澹覽小府

主將曰幕撫副曰幕覽每府有陀酋陀酋即掌書記判官

之類外有八節度使曰弄棟節度使今楚雄府姚州曰銀生節度

使今景東廳及沅州地是曰永昌節度使今永昌府是曰麗永節度使今麗

江府曰劍川節度使今麗江府劍川州是曰東川節度使今東川府是曰

通海節度使今臨安府通海縣是曰拓東節度使今雲南府昆陽州北平定鄉蒙氏子

鳳伽異曾樂城於此地又有二都督曰會川都督今四川寧遠府會理州地是曰

通海都督又設十賧蠻語謂州為賧苴羊賧又名羊賧即今趙

州賧今義理州趙州之白崖雲南賧今大理府雲南縣蒙

舍賧今蒙化廳大賧賧又名史賧今大理府迤川賧今大理府品澹賧

蒙秦賧矣和賧三賧未詳其地○蔚按別本十賧中苴羊賧趙州賧白崖賧而下作義督賧今劍川

州威遠賧今普洱府威遠廳南河東賧未詳其地越賧今

永昌府騰越州北方賧又名成偈賧今永北廳樓頭賧今

四川叙永廳屬永甯縣路賧今楚雄府廣通縣與雲南賧

以下七賧異○按又考此七賧中其越賧北方賧樓頭賧

路賧凡四賧見於漢地里志及唐書南蠻傳中賧並凡人

作賧音閃字既不同音又各異似非列於十賧之數

丁壯者皆為戰卒王之親兵曰朱弩佉苴音蛆按元微之白樂天樂府皆

作陸曉未審孰是佉苴韋帶也每兵百人置羅苴子統一人戴朱

韃鞨負犀革銅盾而跣足自大軍將以至曹長皆繫金佉

苴尚絳紫有功加錦又有功加金波羅皮即虎民兵號白衣

南詔子史 上卷 四

凡民兵出以望苴蠻為先驅

南詔三十七蠻部

因遠部

威遠險治其地總名

休臘部

今臨安府河西縣

嵒峨部

今臨安府

安府嵒峨縣

屈中部

今臨安府阿迷州

溪處甸部

伴溪落恐部

伴溪落恐部

今俱為長官司

屬臨安府

鐵容甸部

今為屬容甸長官司

官桂思陀部

今為思陀甸長官司

司皆屬臨安府

王弄部

強現三部

今屬開化府

師宗部

今廣西州

彌勒部

今廣西州

彌勒縣

吉輸部

衰惡部

俱在彌勒縣地

維摩部

即廣西府

落温部

今屬廣西州

羅雄部

今曲靖府

納垢部

今曲靖府

落温部

今曲靖府

磨

彌部

今曲靖府

仁德部

今曲靖府

夜苴部

即曲靖府

亦佐

平強宗部

即澂江府

步雄部

今澂江府

羅伽部

今澂江府

羅伽部

雄部

休制部

今澂江府

落蒙部

今澂江府

彌沙部

邑市部

皆落蒙部子孫分治之

陽城堡部

今雲南府

羅部

今雲南府

干矢部

羅葵部

俱在武定府

華竹部

今武定府

洪農碌券

今武定州

掌鳩法塊部

在祿勸縣城東五里

白鹿

部

謀統部

今麗江府

鶴慶州

以上二部在迤西地

南詔歷代

自古記西天天竺摩竭國阿育王驃苴

斜音

低娶欠蒙虧為

妻生低蒙苴苴生九子長子蒙苴附羅十六國之祖次子

蒙苴廉吐蕃之祖三子蒙苴諾漢人之祖四子蒙苴酬東
蠻之祖五子蒙苴篤生十二子七聖五賢蒙氏之祖六子
蒙苴託獅子國之祖七子蒙苴林交趾國之祖八子蒙苴
頌白子國仁果之祖九子蒙苴闕初六白夷之祖○哀牢

今永昌府夷傳哀牢蠻蒙伽獨捕魚易羅池在永昌府城南溺死其妻

沙壹一作壺往哭之水邊觸一浮木有感而妊產十子後携

子至池上木化為龍人言曰我子安在九子驚走獨季子

背龍而坐龍舐其背蠻語謂背為九坐為隆故名之曰九

隆氏哀牢山一名天井山下有婦名奴波息生十女九隆

弟兄娶之立為十姓董洪段施何王張楊李趙皆刻畫其

身象龍文於衣後著尾子孫繁衍居九龍山山在永昌府城南谿

谷間分九十九部而南詔出焉

鄯闡國

周時立國年代久遠其姓名世次莫考

白崖國

西天天竺摩竭國阿育王低蒙苴第八子蒙苴頌居白崖

因地名號白崖國傳世莫考後昆彌氏繼之號昆彌國

昆彌國一名拜國

南詔野史 上卷 六

昆彌氏傳世姓名莫考戰國時楚將莊蹻據滇并有其地
號滇國

滇國

戰國時楚頃襄王命將莊蹻

范蔚宗後漢書作莊豪

將兵循江上畧

巴蜀黔中以西躋至以兵威畧定滇地屬楚欲歸報會秦
司馬錯攻楚黔中道塞躋遂以其衆王滇號滇國蹻之後
有王常羌者好佛國勢不振法令不行國人遂推白崖國
蒙苴頌之後白飯王之裔仁果爲王治白崖於是兩國角
立後仁果奉漢封爲白子國

白子國

漢武帝通西南夷遣使至滇求身毒國滇王常羌問使者
曰漢孰與我大使者還報武帝怒其言不遜時白崖國蒙
苴頌之後天竺國白飯王之裔仁果者爲衆所推立於白
崖武帝乃册封仁果爲王號白子國後遷於澂江今澂江府追
龍佑那繼之號建甯國○又一說白子國之先有阿育國
王能乘雲上天娶天女生三子長季二子封於金馬碧雞
獨封仲子於蒼洱之間崇奉佛教不茹暈日食白飯人因
稱爲白飯王迨後有仁果者漢封爲滇王號白子國又十

五世至龍佑那後漢諸葛武侯南征次白崖以佑那為酋
長賜姓張氏仍統其民號建甯國

建甯國

後漢後皇帝乙巳建興三年益州耆帥雍闓假鬼術殺建
甯太守王昴歸東吳吳王孫權以闓為永昌守後漢諸葛
武侯南征至白崖殺雍闓擒孟獲乃封白子國王仁果十
五世孫龍佑那為酋長賜姓張氏於白崖築建甯城蔚按
建甯
城廢址在今大理號建甯國立鐵柱蔚按今彌渡有鐵柱
宮鐵柱尚存先為建
甯國王張樂進求甫鑄後南詔蒙并南中紀功碑銘其背
世隆復重鑄名曰天尊柱高八尺

曰萬歲之後勝我者過此迨至隋時行軍總管太平公史
萬歲征南甯夷爨翫西破三十餘部至此見其碑銘命左
右踣之其碑跌中復有誌曰史萬歲不應踣吾碑萬歲驚
異復樹碑祭拜而去後張龍佑那仍遷國澂江傳三十二
世至十七世孫張樂進求唐太宗己酉貞觀二十三年封
為首領大將軍後見蒙舍川蒙細奴邏有奇相遂妻以女
遜國與之奴邏自稱奇嘉王建號大蒙國又稱南詔

以上六國年代久遠莫詳世次畧序其綱如此
南詔大蒙國而下目列之

南詔大蒙國 傳十三世

細奴一作農邏一作羅 偽諡高祖奇嘉王

細奴邏又名獨羅消西天天竺摩竭國阿育王低蒙直第
五子蒙直篤之三十六世孫生有奇相唐太宗貞觀初其
父舍彪又名龍伽獨將奴邏自哀牢避難至蒙舍川耕於
巍山今蒙化廳之巍寶山一日有老僧美髯冠赤蓮冠披袈裟持鉢
至奴邏家乞食時奴邏與子邏盛炎方耕巍山之下其姑
與婦將往饋見僧乞食遂食之再炊往饋僧坐不去姑婦
持餉中道僧已在彼復乞食姑婦又食之返而復炊持饋

至巍山則見僧坐盤石上前有青牛左白象右白馬上覆
雲氣雲中二童子一執鐵杖於左一執方金鏡於右姑婦
驚喜復以所餉供之僧問何所願姑婦不知對僧曰奕葉
相承及趣奴邏等至則但見一人持鉢坐五色雲中而盤
石上惟餘衣痕及牛象馬之跡耳奴邏素有祥異會唐封
首領大將軍建甯國王張樂進求以諸葛武侯所立白崖
鐵柱歲久剝蝕重鑄之因社會祭柱柱頂故有金鏤鳥忽
能飛集奴邏左肩相誠勿動八日乃去眾駭異謂天意有
屬進求遂妻以女舉國遜之於唐太宗己酉貞觀二十三

年即位年三十二歲建號大蒙國稱奇嘉王據南詔高宗

庚戌永徽元年建都蒙舍川於巔吁山在今蒙化廳西築北三十五里

巔吁城永徽癸丑四年遣邏盛炎入朝唐詔授奴邏為魏

州今蒙化廳刺史賜以錦袍大勃弄今大理府趙州白崖酋楊承顛寇麻

州在今曲靖府馬龍州城北里許唐命郎州唐貞觀初分牂牁郡北界置郎州後改名播州即今貴州

道行軍總管趙孝祖討之孝祖先入小

勃弄今雲南縣地酋長沒盛迎戰孝祖斬之進至大勃弄攻其

城破之擒楊承顛改雲南縣為匡州領勃弄匡州二縣高

宗顯慶二年鳳鳴於浪穹羅浮山乃改名為鳳羽山在大理

浪穹縣西南三十里又各鳥吊山見水經註封十二聖賢為十二山神時激江

人波羅旁有經濟才用為文臣郭郡矣素以勇略聞用為

武臣又有楊波遠者相傳為東漢時人常騎三角青牛號

神明大士能知鹽泉滇中鹽泉多為波遠所開創奴邏在

位遵唐正朔高宗甲戌上元元年奴邏卒在位二十六年

子邏盛炎立

邏盛炎又名邏晟偽諡世宗興宗王

邏盛炎唐高宗甲戌上元元年即位年四十歲以張建成

為相明年盛炎臨朝元宗壬子先天元年姚州蠻叛歸吐

南詔野史

蕃唐命御史李知古討之築城立州縣知古誅豪傑掠子女蠻怨引土蕃攻殺知古於是姚篤路絕而盛炎獨奉唐正朔是年盛炎卒在位三十九年子盛邏皮立

盛邏皮石刻作誠樂魁封臺登郡王 偽諡太宗威成王

盛邏皮唐元宗壬子先天元年即位年四十歲明年為元宗癸丑開元元年唐授邏皮為特進封臺登郡王今四川雷遠府

冕甯縣地設官徵商稅開元二年遣張建成入朝於唐立土主廟開元九年皮叛唐開元十四年立廟祀晉右軍將軍王

義之為聖人元宗戊辰開元十六年邏皮卒在位十六年

子皮邏閣立

皮邏一作羅閣石刻作羅義王魁樂覺封雲南王

皮邏閣唐元宗戊辰開元十六年即位年三十一歲開元十八年滅五詔自稱南詔王先是蒙氏恐三十七蠻部不服選親族為五詔未幾五詔抗命邏閣遂賂劍川節度使王昱求合六詔為一昱奏於朝許之邏閣乃豫建松明大

樓祀祖於上使人諭五詔曰六月二十四日乃星回節按

大理郡志漢元封間葉榆婦阿南者為酋長曼阿娜之妻娜為漢將部世忠所殺欲妻南南曰能從三事當許汝一作幕次祭故夫一焚故夫衣易君新衣一令國人皆知我以禮嫁忠如其言明日聚國人張松幕祭其夫下置火南

越刃出俟火熾焚夫衣即引刀自斷其頸仆火中時六月二十五日也國人哀之故歲以是日燃炬吊之名為星回節云是又當

為二十五日當祭祖不赴者罪四詔聽命惟越析詔波衝之兄子于贈遠不赴會而遼賅詔豐時孫波遼遼之妻慈

善者止遼遼勿赴遼不聽慈善不得已以鐵釧穿於遼臂而行二十四日遼遼及施浪詔施望欠弟施望干浪穹詔

豐時孫鐸羅望蒙駕詔駕輔子羅原皆至遼閣所遼閣偕登樓祭祖後高胙食生飲酒迨晚四詔盡醉遼閣獨下

樓焚錢遽縱火火發兵圍之四詔皆焚死遼閣遣使至四詔所報焚錢失火四詔被焚狀令各詔收骨四詔妻至莫

辨其骨獨慈善因鐵釧得焉携歸葬之遼閣既滅四詔取各詔宮人念慈善慧而甚美遣兵圍其城迫取之慈善曰

吾豈忘夫事仇者閉城堅守半月城中食盡慈善度不能支即自殺時七月二十三日也遼閣嘉其節乃封贈為寧

北妃并旌其城曰德源城城廢址在今大理府鄧州城東北二里許開元戊

寅二十六年遼閣破吐蕃及彌蠻入朝元宗禮之加封為特進雲南王越國公開府儀同三司賜名歸義並錦袍金

鈿帶七事王歸國以兵逐洱河蠻築太和城今大理府城南十五里太和村又築大釐城今大理府城北四十里喜州是守之盡有雲南之地唐

和村

地是

南召子史

七卷

十二

授王子閣邏鳳右領軍衛大將軍兼陽瓜州刺史開元二

十七年明矯叛破劍川浪穹永昌開元二十八年王討明

矯平之開元辛巳二十九年王自蒙舍川遷居太和城立

龍首即今龍尾二關唐加閣邏鳳為左領軍衛大將

軍元宗癸未天寶二年築羊苴咩城於太和城之北即今大理

府唐遷閣邏鳳為左金吾衛大將軍尋拜特進都知兵馬

大將軍天寶甲申三載西方進獅子皮唐加閣邏鳳為上

柱國天寶乙酉四載十月城永昌天寶丙戌五載王遣孫

鳳伽異入唐唐授伽異為鴻臚少卿妻以宗室女賜龜茲

樂一部元宗戊子天寶七載王卒在位二十年子閣邏鳳

立

閣邏鳳一作覺樂鳳按德化碑云家居閣邏鳳則是取地名以為名也襲封雲南王

偽諡神武王始建元閣邏鳳唐元宗天寶戊子七載即位年

三十六歲唐遣中使黎敬義持節册鳳襲封雲南王勅置

陽瓜州於蒙舍川加授鳳伽異為上卿兼陽瓜州刺史都

知兵馬大將軍天寶庚寅九載王率妻子往謁都督李宓

過雲南太守張虔陀私之又多徵求王表虔陀之罪中官

賈竒俊抑之不得達王復遣將軍楊羅顛等連表控告元

宗仍不省鳳怒遣大將軍王毗雙羅時等發兵攻虔陀虔

陀飲醜死遂取姚州并夷州三十二獲唐嶺州西瀘令鄭

回以歸愛其才用為清平官天寶辛卯十載唐命劍南節

度使鮮于仲通將兵八萬征雲南鳳赴瀘南在楚雄府姚州之城北一

百五十里謝罪願還所俘掠請罷兵仲通不許分三道而進仲

通自南谿路大將李暉自會同路都督王知進自步頭路

今臨安府地鳳就安甯再伸衷悃仲通不聽兵至曲州靖州二

今為曲靖府地鳳復遣首領楊子芬叅軍江如之賫狀言若不罷

兵即當歸吐蕃恐雲南非唐有仲通終不許囚其使進薄

白崖城別遣大將王天運統師遶出點蒼山後鳳遣鳳伽異

及大軍將段儉魏迎山後師自逆戰於西洱河唐兵大敗

死者六萬人王天運戰歿仲通僅以身免鳳乃叛唐建元

長壽遣弟閣曷和尙及子鐸傳首望趙佗鄧楊傳磨侉等

并子弟六十人獻凱吐蕃陂有神術人馬往來吐蕃不過

朝夕之頃天寶十一載正月一日遣宰相倚祥葉樂持金

冠錦袍金寶帶金帳狀安扛繖鞍銀獸器皿珂貝珠毯衣

服馳馬牛轡等物至鄧川以鳳為兄弟之國册為贊普鍾

南國大詔給金印稱東帝并授鳳伽異大瑟瑟告身都知

兵馬大將鳳遂改是年爲贊普鍾元年發人口百戶於浪
穹築白崖臉城又遣兵攻掠安甯天寶甲午十三載六月
唐命前雲南郡都督兼侍御史劍南留後李宓廣府節度
使何履光等率十道兵再征雲南兵徧鄧川鳳遣鳳伽異
段儉魏迎戰於江口時神山都知兵馬使論綺里徐救兵
已至巴躡山遂誘宓深入內外夾擊宓糧盡士卒饑疲引
還鳳以精兵追戰唐全軍覆沒李宓被執沉江死何履光
遁去鳳因進取窩州會同郡據清溪關以破越析此二役
也皆鳳弟閣破和尚及鳳妃白氏行妖術展帕拍手而笑

韓陀僧用鉢法以故唐兵再敗時唐先後喪帥已二十餘
萬鳳乃斂戰裝築京觀於龍尾關河尾名萬人塚立碑大
書唐天寶戰亡士卒之墓而唐宰相楊國忠更拚敗以捷
聞叙戰功令清平官鄭回撰德化碑唐流寓御史杜光庭
書立石太和國門外明其不得已叛唐歸吐蕃之故天寶
乙未十四載冬十一月東平郡王安祿山反於范陽鳳乘
機以兵取蜀邛州築邛子城及麗水金寶城陸段儉魏爲
清平官賜名忠國旋拜相國代宗甲辰廣德二年羊苴咩
城成鳳名之曰大理城又名紫城代宗乙巳永泰元年鳳

南詔異史 卷五 十一
伽異築雲南城即今雲南府省城又築拓東城今雲南府昆陽州北平定鄉遂

以兵攻陷曲靖代宗丁巳大曆十二年永昌牛生三角羊

生四角雞九足并有光建觀音寺於白崖先是邏盛炎時

相國張建成欲於白崖建寺卜之吉又地下有三截觀音

上截在西中截在東下截在東南因盛炎旋卒不果建至

是建寺掘之果然代宗戊午大曆十三年閣邏鳳卒在位

三十年因子鳳伽異先死後追謚悼惠王孫異牟尋立

桓王

異牟尋唐代宗戊午大曆十三年即位年二十四歲明年

改元見龍又改上元率兵三萬取蜀為東府又連土番人

寇唐命神策都將李晟擊破之師還自稱南詔王德宗甲

子興元元年牟尋遷居史城即大隆城改號大理國自稱日東

王封嶽瀆以葉榆今大理府點蒼山為中嶽烏蠻今東川府烏龍山

一名絳雲弄山在今祿勸縣東北三百里為東嶽銀生府今景東廳蒙樂山一名無量山在

廳北九十里為南嶽又封南安州今楚雄府屬神石亦為南嶽越賧

今永昌府高黎貢山一名崑崙崙隅在騰越潞江之間為西嶽鶴州今麗江府是

雪山一名玉龍山在府西北二十里為北嶽封金沙江源出吐番旄牛徼外犁牛石下本名

南詔異史 卷五 十一

犁牛河又名犁水訛為麗水經麗江府鶴慶州姚州而東北達於四川馬湖府之馬湖即山海經所謂若水水經注云若水經雲南之遂外縣即今金沙江巡檢司地昔黃帝長子昌意德少不足紹承天位降居斯水為諸侯娶蜀山氏女生顓頊於若水祀在武定州蘭滄江源出吐番鹿石山之陽疑即其地也

麗江府黑惠江在順甯府之東入浪滄江而達於南海祀在順甯府怒江源出西域雍望奔流而下深不可測夏月多瘴經怒夷地入麗江府境野人界至永昌府境乃各潞江祀在永昌府為四瀆各建神祠又立三皇廟德宗丙寅貞元二年設官立九爽三託考疆域其地東至於銅柱鐵橋蟠桃玉

榆東南至於交趾國南至於驃國西南至於木落山西至於太石西北至於吐蕃北至於神川東北至於黔巫八分之地屬以八演皆中國降人為之經畫者貞元丁卯三年尋居大理城命子弟師事鄭回時尋苦吐蕃徵求無厭會李泌勸德宗招雲南以斷吐蕃右臂帝從之命韋皋為西川節度使皋受命招撫羣蠻鄭回因說尋歸唐尋以為然皋遣謀者致書於尋吐蕃知而疑之乃責南詔大臣為質尋愈怨於是決計歸唐皋以聞德宗乃命皋作書諭尋是年四月吐蕃破蜀來徵兵蔚按即吐蕃劫渾瑊清水盟之歲尋謝絕之貞元五年尋遣烏蠻勿鄧大鬼主苴夢衝兩林都大鬼主苴

那時聘於皋因入朝皋遣其屬崔佐時報之時吐蕃使數十人先在佐時至尋令更衣入佐時不可曰天朝大使豈衣夷衣尋不得已夜迎之佐時至大宣詔旨令尋斬番使去其所立之號尋遂與佐時盟於點蒼山下貞元九年尋遣使上表請從章皋襲吐蕃詔册封為雲南王以章皋為雲南安撫使王遣使詣皋獻夷中歌貞元十年吐蕃徵兵於王王陽示寡弱以兵三千應之自將數萬人踵其後正月襲擊吐蕃戰於神州斷鐵橋在巨津廢州今麗江府西北地取十六城俘其五王降眾十餘萬獲軍資甲仗無算遂遣弟湊羅棟

清平官尹仇寬獻捷於唐並獻地圖納貢及吐蕃所給金印請復號南詔於是唐以祠部郎中袁滋為中丞賜金紫充册使賜王銀窠金印印文曰貞元册南詔印王北向跪受宴使者出元宗天寶五載所賜王父鳳伽異銀跳脫馬頭盤數物并指老箇工歌女曰皇帝所賜龜茲樂惟二人在耳使者曰南詔世荷唐恩當深思祖考子孫勿替盡忠皇唐王對曰敢不敬使者之命隨遣清平官尹輔酋入謝獻鐸鞘鬱刀生金瑟瑟牛黃氎紡絲越賧纒倫馬蔚按鐸鞘疑當作鐸稍狀如殘月有孔旁達出麗水飾以金月祭之血所擊無不洞段柯古酉陽雜俎云南蠻有毒藥無刀狀如朽

鉄中人無血立死言自天而下入地丈餘祭地乃掘得之
云云疑即此鐸稍毒為鐸字之訛黎字本同稍字也鐸
鐸時以毒藥並治取瑩耀如星者凡十年乃成淬以馬血
鍊金犀飾鐸首傷人即死因浪人所鑄又名浪劍夷中甚
賈七月又攻吐蕃並破施蠻順蠻施蠻順蠻即施浪浪穹
二詔之後自南詔併吞

五詔五詔之後不復稱詔止稱蠻俘其王置白崖城貞元十二年取越賧

置軟化城貞元十四年請以大臣子弟質於朝韋皋却之

固請乃盡舍成都遣就學貞元十五年王開白國北方賧

地今永北廳徙瀾河白蠻及羅落摩些蠻實之號劍羌是年王

從韋皋再敗吐蕃於鐵橋初王謀擊吐蕃以遼川即今鄧州

霄北即今浪等城當寇衝乃峭山深塹修戰備至是吐蕃

謀襲南詔王告於皋遣將屯黎州備州以應之吐蕃引兵

攻焉州皋嚴兵以守別遣將襲擊降其帥吐蕃懼退至鐵

橋王令人毒其水吐蕃人馬多死退屯三瀘水王與皋部

將杜毗羅擊敗之貞元十六年王率子尋閣勸入朝於唐

召對延英殿進奉聖藥舞德宗御麟德殿觀之貞元十七

年王夜絕瀘水斬吐蕃屯卒又合鬼主破之於瀘西吐蕃

大懼欲悉師收焉州以絕南詔王謂韋皋曰吐蕃聲取焉

州實窺雲南請進軍羊苴咩城皋督諸將分道與王會陳

兵深入拔木波城前後凡克城七焚堡百五十所斬獲無

西言異史 卷九
箕生擒論莽執獻於唐并進鏡甲十五萬梟班師帝遣中使慰撫王王自是比年貢方物唐帝深禮之焉貞元十九年王封雲南金馬碧雞二山之神為景帝建妙音寺塔築大理雪峰長城憲宗戊子元和三年七月王卒唐遣使祭弔在位三十年子尋閣勸立

尋閣

一作勸又名新

襲封南詔王

偽諡孝惠王

尋閣勸唐憲宗戊子元和三年即位年三十一歲唐册勸襲封南詔王賜元和金印憲宗己丑元和四年正月改元應道羣臣上尊號曰驃信以都闡為東京大理為西京重

立 修曲靖崇真寺

寺為晉代所建

十一月王卒在位一年子勸龍晟

勸龍晟

襲封南詔王

偽諡幽王

勸龍晟唐憲宗己丑元和四年即位年十二歲唐册襲封南詔王明年改元龍興鑄佛三尊送佛頂峰寺用金三千兩元和九年晟寇嘉定州有飛天神兵破之先是節度使杜元穎守成都時時滇兵至嘉定之沐源川忽自驚潰蜀軍獲一夷卒問之云適見遍山神兵一神將長斧坐二鬼上聲若迅雷故爾驚走至是神復現形自後追殺即時死

西長二人蓋嘉定向有飛天神廟兩破滇兵者皆此神也
憲宗丙申元和十一年晟淫虐失道弄棟節度使王嵯巔
弑之時年僅十九歲唐命少監李銑祭弔在位七年弟勸
利立

勸利一作勸利晟襲封南詔王 偽諡靖王

勸利唐憲宗丙申元和十一年即位年十五歲唐册襲封
南詔王王嵯巔東寇明年改元全義元和十二年厚賞王
嵯巔賜姓蒙封太容元和十四年廢王嵯巔赦其罪命敬
信三寶為清平官元和十五年又改元大豐重修崇聖寺

五月大雨霖龍首龍尾二關傾除洱河水怪建龍尾塔高
十二丈按白古記唐時洱河有妖蛇名薄劫興大水淹城
蒙國王出示有能滅之者賞半官庫子孫世免差徭部民
有段赤城者願滅蛇縛刃入水蛇吞之人與蛇皆死水患
息王令人剖蛇腹取赤城骨葬之建塔其上燬蛇骨灰塔
名為靈塔在今大理府城南龍尾關內每年有蛇黨起風
來剝塔灰時有謠曰赤城賣硬土今龍王廟碑云洱河龍
王段赤城云永昌生兩頭牛穆宗甲辰長慶四年賜南詔
王金印是年王卒於東京在位八年弟豐佑立豐佑慕中國之風獨

不肯連
父名

豐佑 石刻作
勅豐佑

册封滇王

偽諡昭成王

豐佑唐穆宗甲辰長慶四年即位年七歲唐遣京兆少尹

韋審規持節册封為滇王王遣洪成酉等人謝明年改元

保合又改元天啟西僧贊陀囉哆建鶴慶元化寺先是鶴

慶地水滄僧杖刺東隅洩之水中得樟木刻為佛呪之忽

靈遠近名曰活佛

按活佛後至明成化間福建莆田林俊
為雲南憲副聞之親至寺中將佛火之

得金數百兩入官又毀他
寺三百人呼為林劈佛

建常三倉築鄧川城敬宗已

寶曆元年重修大理崇聖寺一名三塔寺成先是王嵯巔廣寺

基方七里聖僧李成眉賢者建立三塔高三十丈佛一萬

一千四百屋八百九十銅四萬五百九十筋元和十五年

經始至是工竣塔頂舊有鐵柱欸識云貞觀六年尉遲

敬德監造蓋寺之建久矣重修雲南東寺塔高百五十尺

西寺塔高八十尺二寺亦貞觀間將作大匠尉遲敬德所

建文宗丁未太和元年王母出家法名惠海太和二年用

銀五千鑄佛一堂廢道教太和己酉三年僧夢島造永昌

卧佛長丈六六月朔星落如雨命王嵯巔等寇蜀先是西

川節度使杜元穎失士卒心軍逃入南詔因此知蜀虛實

佑遂遣嵯巔等攻蜀陷鶴戎邛三州攻成都止西郭十日

掠經書寶貨子女無算蜀中殘敝并寇梓州蜀州佑上表

於唐請誅元穎唐改雲南為鄯闡府即今雲南府省城太和四年

唐貶杜元穎循州司馬以義成節度使李德裕為西川節

度使裕至西川建籌邊樓日召習邊事者訪問凡山川險

要南道與蠻相入者圖之左西道與吐蕃相接者圖之右

不啻身嘗經歷焉乃奏請留北兵以重鎮守修甲冑備器

械率戶二百取一人習戰作雄邊子弟等十一軍築仗義

禦侮柔遠諸城以扼要害復邛峽關徙雋州治臺登以奪

蠻險今轉邛雅粟以十月而運先夏而至人不苦瘴邊境

始安至是使人於佑責歸所俘太和五年五月佑歸所俘

西川四千人於德裕太和六年佑掠驃國民三千徙之拓

東城武宗乙丑會昌元年佑遣軍將晟君築橫渠道自磨

用江至於鶴拓灌東皋及城陽田與龍怯江合流入於河

謂之錦浪江又瀦點蒼山玉局峯頂之南為池謂之高河

又名馮河更導山泉其洩流為川灌田數萬頃民得耕種

之利會昌六年九月佑攻陷安南經略使裴元裕死之宣

宗丁卯大元佑妃卒佑鬱鬱不樂臣下請選妃女備

後官得羅部今雲南府羅次縣一美女進之有寵女好佛建羅次

寺至今靈異六月大旱佑令僧壽海祈雨僧曰昔湯旱七

年六事自責天雨七日今王酒色妄殺天怒不雨王如改

悔天雨自至何以祈為佑如僧言自責自改數日果雨佑

女至崇聖寺進香回至城西為一乘白馬人攝去尋之不

得佑告於西僧贊陀囉哆曰此山神也乃設燈照之果

在蒼山下哆怒欲行法移山於河山神懼獻寶珠供佛佑

乃已大中十二年佑遣段酋遷陷安南都護府遣段宗榜

救緬勝湯今雲南府宜良縣地人佑之勇將先是獅子國侵緬屢

救至是許之按緬甸即漢之揮國唐之驃國其歷代莫考

頭目招拔南進貢十九年使行人司錢古順賈詔立宣慰

司二十年緬犯景東二十一年犯他郎甸冰英命都指揮

甯正平之三月犯定邊沈英同都督馮誠平之景泰三年

王驥賞緬孟養地緬喜乃擒獻麓川賊嘉靖初緬火燒賈

金牌官中年猖獗海上遂至難制○考自永昌府騰越州

入緬止三十四程騰越一日南甸一日羅必斯一日郎標

一日甸頭一日甸尾一日蒙腰一日甸藍一日蒙憐路一

日空地一日蒙來路一日大市一日龍江一日鍋地一日

人列渡一日江頭城一日景憐柴一日曼及一日馬來城

日折弓一日阿越由阿越下水九日即至緬城其地有五

大城江頭太公二城之外又有馬來安正國蒲甘緬王三

城酋住金樓民住竹樓其下稱酋為卜刺浪稱酋妻為米

潑刺酋出入乘轎水有舟筏官各有招孟招象招剛三等

官無大

恃以為

固涸時亦僅五里俗敬佛重罪對佛發誓憑僧處

斷。入緬又有三道一由潞江西上一由騰越七日至麓川

一由景東從木通甸至灣甸渡入芒市十日至麓川。此

外從潞江上流蒙來渡至景樂沼河有小渡十餘處皆可

通又有三道一由天步馬一由灣甸一由阿郊地界皆可

入緬宣宗己卯大中十三年陷播州李德裕既貶死西川節

度使所任皆非人僥倖邊功發兵十萬襲滇自建昌入佑

命子世隆為坦綽同王嵯巔迎戰於古宗今麗江府鐵橋以北地殺

唐兵數萬人立銅柱於界上世隆之母佑妃也出家號師

摩尖嘗隨佑至羅浮山白城建一寺南壁畫一龍是夜龍

動幾損寺妃乃復畫一柱鎖之始定按妃本漁家女喜浴

為妃後仍常汎舟西洱河屏人潛浴於水感金龍與交生

世隆隆七歲拳握始開有文在其掌曰通番打漢古宗之

戰唐帝懼世隆為患妻以宗室女伺察其所為女以世隆

年庚潛送於帝帝使太史推之知其感龍精而生是年豐

佑卒於東京在位三十五年子世隆立以王嵯巔攝政段

宗榜救緬回至騰越聞佑卒世隆立嵯巔攝政移書王嵯

巔曰天啟不幸駕崩嗣幼聞公攝政國家之福榜救緬以

敗獅子國緬酬金佛當得敬迎奈中國無人惟公望重榜

抵國門之日煩親迎佛與國增光云云嵯巔不知是謀至

日迎之榜令巔拜佛突斬之於佛前討其弑勸隆晟之罪

也榜鎔佛得金數千兩時有緬人奉香火者在傍默祝曰願世代奉敬今不如願惟願世尊輪生滅彼國祚後果生鄭買嗣篡國滅蒙氏

世隆 唐書作龍 偽諡景莊皇帝 僭稱帝始此以後鄭趙楊段高五姓

之國威效之

世隆唐宣宗己卯大中十三年即位年十六歲明年為懿宗庚辰咸通元年改元建極改西京曰中都東京曰上都先是德宗貞元間西川節度使韋皋開道通南詔令歲入貢異牟尋勸二世事唐唯謹迨勸龍晟及豐又數數

擾邊大為唐患又以世隆之名犯太宗元宗廟諱唐不册封隆益致怨望至是自稱皇帝遣兵取烏蠻爨蠻之地置東川郡前節度使杜棕變韋皋制度侵擾蠻中隆絕朝貢寇播州至是李福為節度使隆遣清平官董成至成都移書於福成與福抗禮福囚之上聞有詔釋成名至京師見便殿遣還咸通二年遣兵陷安南左僕射同平章事杜棕言西川兵弱南詔強盛未可輕絕宜遣使祭弔諭令改名行册禮帝肯之會隆復寇嶺州遂止咸通三年隆親寇蜀取萬壽寺石佛歸時高真寺僧崇模有神術從征軍中之

糧又值歲暮士卒思歸僧呪沙成米呪水成酒士卒各醉飽一日僧化蝶回國亂宮世隆妻以書達隆隆答曰妖若再來令宮人於其衣背繡蝶後僧復至宮人繡之隆見僧衣有蝶令斬之刑七次首不殊僧自云用茅鋸之乃斷果然人見僧塊化一黑鵬飛去蓋僧本高真寺鵬巢中所得之兒也咸通四年寇西川咸通五年陷安南邕管咸通六年陷駕州咸通七年復攻安南嶺南西道節度使高駢救之隆兵大敗駢遂定安南咸通十年隆遣使楊酉慶等人朝謝釋董成之囚歸成都俘三千人定邊節度使李師望

殺其使隆怒率眾攻蜀陷嘉州咸通十一年正月陷黎州入邛徠關圍雅州擊邛州遂進攻成都次眉州西川節度使盧耽畏眾寡不敵通使請降繼而唐遣東川節度使顏慶復大將宋威等率兵來戰世隆敗屯星宿山宋威戍沱江隆迎戰於毗橋不勝趨沱江中伏城中又出突將夜火隆營奪昇仙梁隆大敗奔雙流江無梁以渡乃僞請和三日梁成而濟咸通辛卯十二年立鄴闡王宮咸通壬辰十三年於白崖諸葛武侯所立鐵柱之地鑄天尊柱高八尺

蔚昔年曾至鐵柱宮其地界白崖瀾渡蒙化二境之間其柱刻字云建極十三年歲次壬辰四月朔庚子十四日癸

立丑建咸通十四年攻黔中又寇西川作浮梁濟大渡河防
 河兵馬使黃景復伏兵半渡擊敗之會隆國中新兵繼至
 接戰景復敗走隆進兵陷黎州入邛徠闕遂遣王保誠等
 四十人謾書詣劍南節度使牛勣欲假道入朝請憩蜀王
 故殿叢囚其使三十八人釋鄒曠及段酋遷二人還隆乃
 退兵至新津而旋僖宗乙未乾符二年攻雅州西川節度
 使高駢追至大渡河大敗之俘酋長五十人收復黎州邛
 徠闕斬黃景復以狗乾符三年遣使詣高駢請和不許斬
 使者一人隆怒自是唐使至不拜惟拜和尚駢知之乃遣
 僧景仙往諭公主事隆乃下拜定盟禧宗丁酉乾符四年
 二月復寇蜀高駢禦退之駢又結吐蕃尙延心温末魯精
 月等為間築戎川馬湖蒲源川大渡河三城列屯拒險料
 壯卒為平夷軍世隆氣奪因恚發疽卒於越巂景淨寺在
 位十八年子隆舜立

隆舜一名法改國號曰大封民國 偽諡宣武帝

隆舜唐僖宗丁酉乾符四年即位年十七歲明年改元貞
 明又改元嵯耶承智大同改國號曰大封民國遣使於唐
 請和詔許之自勸龍巖至世隆以來侵蜀伐安南用兵五

十餘年帑藏不給橫斂於民上下俱困舜立耽於酒色委政臣下故願求和於唐乃遣段曦寶詣嶺南節度使辛讜請修好讜奏許之以息邊患乾符六年遣使於唐求和親無表只用牒稱弟不稱臣唐帝召百官議禮部侍郎崔澹曰南詔無禮恐貽後笑使者上書與澹爭帝諭解之議者謂中國多故南詔寢強不若權與和親便從之僖宗庚子廣明元年春正月唐命宗正少卿李龜年來和親僖宗辛丑中和元年上表欵附申和癸卯三年唐以宗室女爲安化長公主妻隆舜僖宗乙巳光啓元年遣宰相趙隆眉清平官楊竒觀段義宗三人朝唐帝行在且迎公主高駢在淮陽飛章上言三人南詔心腹宜止而醜之唐帝從其言隆督等死南詔遂不復振矣是年崑崙國進美女舜嬖之光啓二年地震龍首龍尾二關三陽城皆崩昭宗己巳乾甯四年隆舜多內嬖常信讒以誅其下淫虐日甚暨臣楊登弒之於東京在位二十年子舜化貞立

舜化貞

僞諡孝哀帝

舜化貞唐昭宗丁巳乾甯四年即位年二十一歲明年改元中興上書於唐朝廷欲報之利州刺史王建上言臣在

西南彼必不敢犯塞小夷何足辱詔書遂止昭宗光化二

年立五學教主十一月誅楊登族其家光化庚申三年鑄

崇聖寺丈六觀音清平官鄭買嗣合十六國銅所鑄蜀人

李嘉亭成像一說唐天寶間崇聖寺有僧募造丈六觀音像未就夜忽雨且視之銅也即取以鑄像像

成白光彌覆凡三日夜唐昭宗壬戌天復二年舜化貞卒

至今人稱為兩銅觀音一說實鄭買嗣弑之在位五年化貞有一子生甫八月鄭買嗣主國

事遂啓貞妻曰母后深宮群臣無主臣當抱太子臨朝貞

妻是其言以子付之買嗣抱子出潛手傷其陰子哭不已

乃送回宮中明日子死貞妻疑而詰之買嗣懷不安遽起

兵殺蒙氏親族八百人於五華樓下遂篡立焉

按蒙氏南詔大蒙國自細奴邏禪立起唐太宗

己酉貞觀二十三年訖昭宗壬戌天復二年傳

十三世共二百五十五年

大長和國 傳三世

鄭買嗣又名景 偽諡聖明文武威德桓皇帝

鄭買嗣又名景唐雋州西瀘令昭南詔臣蒙氏為清平官

鄭回之七世孫隆舜時歷官侍中權勢日重隆舜巡幸無

度留買嗣守國遂專政柄舜化貞時為相化貞卒嗣賊殺

其子篡蒙國於唐昭宗壬戌天復二年十二月即位年四十二歲國號大長和仍都大理明年建元安國後梁太祖開平丁卯元年建普明寺開平三年鑄佛一萬尊送寺祈福爲殺蒙氏八百人故也開平四年八月買嗣卒在位八年子仁晏立

仁晏 偽諡肅文太上皇帝

仁晏後梁太祖庚午開平四年即位年二十二歲明年改元始元又改元天瑞景星安和貞佑初歷末帝甲戌乾化二年晏攻蜀蜀高祖王建發兵拒之晏兵大敗溺水死者萬餘人後唐莊宗癸未開光元年施宮寺災僧智照撰封民三寶記同光二年晏以朱鬢白馬求婚於南漢劉龔龔以增城公主妻之明宗丙戌天成元年八月仁晏餌金丹躁怒常殺人遂暴卒在位十六年子隆亶立

隆亶 偽諡恭惠帝

隆亶後唐明宗丙戌天成元年即位年十二歲明年改元天應明宗戊子天成三年東川節度使楊干貞入朝弒隆亶而立趙善政計亶在位二年

按鄭氏大長和國自買嗣篡立起唐昭宗癸亥

南詔野史 卷一
天復三年訖後唐明宗戊子天成三年傳三世
共二十六年

大天興國

一作興源國

一世

趙善政

偽諡悼康帝

趙善政後唐明宗戊子天成三年為東川節度使楊干貞所立改國號曰大天興國建元尊聖善政寤北佞逸墉人微時樵於山中倦卧夢神告曰柴有矣覺而果得柴數十束後告其母不信問一日母潛往山中果然及仕鄭氏為清平官出行途中天墜一石於前石裂有善政為天子五赤字於是楊干貞竒之乃弒隆亶而擁立焉明宗己丑天成四年善政待干貞恩禮衰凡干貞所有請乞輒不許干貞恃功怨望遂賂結諸臣廢善政而自立善政在位僅十月

大義甯國

一世

楊干貞

偽諡肅恭帝

楊干貞於後唐明宗己丑天成四年奪大天興國趙善政之位改國號曰大義甯國建元興聖又改元大明干貞菴村人今大理府賓川州所屬地母名彌录有美色蒙隆舜私焉有孕適

南言野史 卷一
三十一
漁人楊氏生干貞後又生詔其父捕魚貞立船頭見水中
有人龍衣冠冕左右有鳳鳥白光擁護乃呼其父視之父
見是貞之影大帝之長仕鄭氏官至東川節度使至是奪
善政位而自立貞在位貪暴特甚中外咸怨後晉高祖丁
酉天復二年通海節度使段思平起兵討之貞遣弟楊詔
等五人出拒詔兵敗于貞出奔思平遂得位尋赦其罪廢
爲僧計貞在位八年

大理國

傳十四世

太祖聖神文武皇帝

段思平其先武威郡北人世爲南詔蒙氏將唐元宗辛卯
天寶十載及甲午天寶十三載唐再伐雲南雲南王蒙閣
邏鳳命世子鳳伽異大軍將段儉魏迎戰於點蒼山及西
洱河兩敗唐兵以功陞儉魏爲清平官賜名忠國尋拜相
六傳而至思平其母因過江水汎觸浮木若有感而娠生
思平并其弟思良思平爲幕覽小府副將也常遊山中得爲帝
之讖又每多異徵時東川節度使楊干貞之弟楊詔者已
貴聞而忌之使人賊思平思平逃匿於崇恩寺在大理府城南九里
捕者追至見蛛網盈寺門不入故得脫後積戰功仕爲通

海節度使後唐明宗己丑天成四年楊干貞奪趙善政之位受詔之譖常欲除思平平卜於秀山神祠就其舅爨判自匿後晉高祖丙申天福元年干貞索捕思平甚急會善政臣守高方素與思平善密遣人招思平思平與其弟思良軍師董迦羅走就之皆裂冠變姓名為獵者牽一犬至品甸波大村今大理府雲南縣地宿旅舍舍有戟生牛革裹之是夜風起戟忽洞革出思平驚曰是何鈿利得非神戟乎問主人曰戟何為曰以防夜耳曰防夜莫若犬遂以犬易戟去行至葉鏡湖湖在大理府雲南縣地得神馬饑取野桃而食核上有

蟲噬青昔二字思平解為十二月二十一日意其吉兆於

是急趨而前借兵於東方黑爨松爨三十七蠻部會於石

城今曲靖府是以董迦羅為軍師兵集之期適十二月二十一

日也所向皆克遂進攻大理討干貞時詔等陳兵據橋軍

不能過思平夜忽得三夢人無首玉瓶無耳鏡破覺而告

其下迦羅鮮之曰公乃丈夫去首為天玉瓶去耳為王鏡

破則無對者此神示吉兆是日有被纓浣沙婦指渡處曰

人從我江尾馬從三沙矣爾國各大理從之乃得過江擊

詔等殺之干貞聞詔等軍敗出奔思平即位時天福丁酉

二年七年 四十四歲建號大理國建元文德仍都大理天
福三年封董迦羅為相國封高方為岳侯分治成紀巨橋
等地封纛判為巴甸侯祠秀山神免東方三十七蠻部徭
役赦國中凡有罪無子孫者天福四年赦楊干貞罪廢為
僧一說干貞敗後挈其妻子奔永昌郡思平遣兵追之至萬劍樹干貞自縊而死思平俘其妻子親屬帝好
佛歲歲建寺鑄佛萬尊後晉出帝甲辰開運元年帝崩在
位八年子思英立

文經皇帝

思英後晉出帝甲辰開運元年即位明年為出帝開運二
年改元文經帝母楊氏桂仙娘歿而為神屢著靈應封為
榆城宣惠聖國母是年帝叔思良爭立廢帝為僧法名宏
修大師在位一年叔思良立一說思英素不肖思平在日戲無度羣臣廢之而立思良

聖慈文武皇帝

太祖之弟

思良後晉出帝乙巳開運二年即位明年改元至治後周
太祖壬子廣順二年帝崩在位七年子思聰立

思聰

偽諡至道廣慈皇帝

思聰後周太祖壬子廣順二年即位明年改元明德又改

元廣德宋太祖乙巳開寶二年思聰卒在位十七年子素
順立

素順

素順宋太祖乙巳開寶二年即位明年改元明政先是宋
太祖丁卯乾德五年春王全斌平蜀還京師請取雲南負
地圖進太祖鑒唐之禍以玉斧畫大渡河爲界曰此外非
吾有也由是段氏得據南詔相安無事太宗乙酉雍熙二
年素順卒在位十六年子素英立

素英

僞諡昭明皇帝

素英宋太宗乙酉雍熙二年即位明年改元廣明又改元
明應明聖明統明治太宗至道二年述傳燈錄真宗已酉
大中祥符二年素英卒在位二十四年子素廉立

素廉

僞諡宣肅皇帝

素廉宋真宗已酉祥符二年即位明年改元啓明真宗壬
戌乾興元年素廉卒在位十三年姪素隆立

素隆

僞諡秉義皇帝

素隆宋真宗壬戌乾興元年即位明年改元明通仁宗丙
寅天聖四年素隆禪位爲僧在位四年姪素貞立

素真

偽諡聖德皇帝

素真宋仁宗丙寅天聖四年即位明年改元正治仁宗辛巳慶歷元年素真禪位為僧在位十五年孫素興立

素興

偽諡天明皇帝

素興宋仁宗辛巳慶歷元年即位明年改元聖明又改元天明素興性好遊狎廣營宮室於東京多植花草於春登堤上種黃花名繞道金稜雲津橋上種白花名縈城銀稜每春月挾妓載酒白玉案三泉湖為九曲流觴男女列坐鬪草簪花晝夜行樂花中有素馨者以素興愛之故名又有花遇歌則開有草遇舞則動與今歌者傍花舞者傍草蓋亦花草之妖也仁宗甲申慶歷四年素興在位荒淫日甚國人廢之而立太祖曾孫智恩之子思廉計興在位三年

思廉

太祖元孫

偽諡興宗孝德皇帝

思廉宋仁宗甲申慶歷四年即位明年改元保安又改元

正安正德保德仁宗甲辰皇佑四年廣源州

屬交趾諒山府蠻儂

智高反郎州偽號大南國自稱仁惠皇帝僭元啓歷九月宋以樞密副使狄青為荆湖宣撫使督諸軍討之十二月

狄青至廣南合孫沔余靖之兵進次賓川皇佑癸巳五年

正月至邕州今廣西南甯府上元節狄青破崑崙開在南甯府城東二百里距賓

川州二大敗儂智高兵智高燒城遁由合江口入大理思

廉殺之兩首送京師是以段氏始聞於中國仁宗嘉佑八

年命岳侯高智昇討楊允賢克之加智昇太保封德侯賜

白崖茹甸之地尋晉封鄯闡侯子孫世襲神宗乙卯熙寧

八年思廉禪位為僧在位三十一年子庶義立

庶義 偽諡上德皇帝

庶義宋神宗乙卯熙寧八年即位明年改元上德遣使人

貢於宋熙寧十年又改元廣安作八龍王會神宗庚申元

豐三年楊義貞殺庶義而自立計義在位五年自義貞弒

其主庶義而自立篡位僅四月鄯闡侯高智昇命子清平

官高昇泰起東方爨獒兵討而誅之立庶義之姪壽輝

壽輝 偽諡上明皇帝

壽輝宋神宗庚申元豐三年即位明年改元上明以高智

昇為布燮高昇泰為鄯闡侯是年日月交晦星辰書見壽

輝因天變遂禪位於思廉之孫正明計輝在位一年

正明 思廉之孫 偽諡保定皇帝

正明宋神宗辛酉元豐四年即位明年改元保定又改元
建安天佑宋哲宗甲戌紹聖元年明在位十三年爲君不
振人心歸高氏群臣請立鄩闡侯高昇泰爲君正明遂禪
位爲僧而段氏中絕矣

按段氏大理國自思平建立後晉高祖丁酉天
福二年訖宋哲宗甲戌紹聖元年傳十四世共
一百五十八年

大中國

高昇泰 僞諡富有聖德表正皇帝

高昇泰宋哲宗甲戌紹聖元年受大理國段正明之禪即
位改國號曰大中國明年改元上治昇泰岳侯高方之裔
大理點蒼山蓮花峯下芒湧溪人將生其父襲岳侯智昇

往石雲寺

在點蒼山
白雪峯麓

進香回遇一老叟云爾家將生貴子

可速歸智昇至家而昇泰適生心頗異之及長有材器仕
爲清平官兼九爽之事譽望日重思廉出遊猝遇烈風吹
踏其馬廉將墜智深躍前扶之廉德智昇賜以宮人及珠
玉楊允賢判廉命智昇討之以功加太保封德侯旋晉鄩
闡侯世襲及楊義貞篡逆智昇令昇泰起東方兵誅義貞

而立庶義之姪壽輝輝以智昇為布燮昇泰襲鄯闡侯輝
在位災異迭興因禪位於思庶之孫正明明為君不振人
心歸高氏遂請昇泰為君而正明禪以位焉哲宗丙子紹
聖三年昇泰在位二年寢疾遺命曰我之立國以段之弱
我死必以國仍還段氏慎勿背我及卒其子高泰明遵遺
命還位正明之弟正瀆段氏復興號後理國高氏相之政
令皆出其門國人稱為高國主段氏擁虛位而已

後理國

傳八世

段正瀆

大理國正明之弟

偽諡中宗文安皇帝

段正瀆宋哲宗丙子紹聖三年復得國即位號後理國以

高泰明為相國執政柄高泰運為柵主明年改元天授又

改元明開天政文安赦徭役築楚雄城在今楚雄府城西北二里以封

高泰明之姪高明亮徽宗癸未崇寧二年使高泰運奉表

入宋求經籍得六十九家藥書六十二部鄯闡李觀音得

來朝進金馬杖八十節人民三萬三千戶瀆賜得八章禮

衣龍頭劍擢為安東將軍蔚按蒙氏時有安東將軍李專珠所築安東城在今大理府趙

州城東二里緬人波斯崑崙三國進白象及香物十月彗星見

西方大疫徽宗戊子大觀二年正瀆禪位為僧在位十二

年子和譽立

和譽

又名正嚴

封雲南節度使大理國王

偽諡憲宗

宣仁皇帝

和譽宋徽宗戊子大觀二年即位明年改元日新又改元文治永嘉保天廣運七月中元節各方貢金銀羅綺珍寶犀象萬計牛馬遍點蒼徽宗辛卯政和元年地大震損十六寺三十七蠻部判高相國泰明討平之使四子高明清居鄯闡鎮守政和五年緬人進金花犀象政和六年遣儒官鍾震黃漸賞勅褒高泰明相國忠貞封平國公是年遣

使人貢於宋高泰明卒封國師泰明生八子高知昌以罪流死其下伊何二人謀爲執仇乘譽入寺進香圖弑逆事露被收譽嘉二人之義赦之欲賜以官二人不從願死以風後人譽不得已殺之爲立義士塚高泰運立主國事六月三日並出政和丁酉七年命子紫琮克進奉使入貢於宋詔遣使册封譽爲金紫光祿大夫檢校司空雲南節度使上柱國大理國王徽宗己亥宣和元年正月彗出募寯遠矣破馬等叛三月出師征之兵敗三十七蠻部復叛陷鄯闡高明清死之郡臣以高昇泰姪高量成有德請立爲

相號中國公徽宗丙午靖康元年五月金星入月大火焚
 三千九百家南宋高宗丙辰紹興六年王遣使貢象馬於
 宋廣西經畧安撫使奏之詔護送行在優禮答之紹興十
 六年三月十四日大霧歷二十四日方開高宗丁卯紹興
 十七年王老因諸子內爭外叛遂禪位為僧在位三十九
 年子正興立

正興

又名易長

偽諡景宗正康皇帝

正興南宋高宗丁卯紹興十七年即位明年改元永貞又
 改元大寶龍興盛明建德高量成讓相位與姪壽貞退老
 楚雄城人化其德名城曰德江城孝宗癸未隆興元年三
 月壽貞卒壽昌立為中國公孝宗壬辰乾道八年四月重
 霧十六日方開正興禪位為僧在位二十五年子智興立

智興

偽諡宣宗功極皇帝

智興南宋孝宗壬辰乾道八年即位明年改元利貞又改
 元盛德嘉會元亨安定遣李觀音得等至廣西橫山砦今在
廣西南甯府江上求市馬李觀音得奪壽昌位與姪貞明阿機起
 兵奪貞明位還壽昌貞明遂據鶴慶號明國公偽諡義地
 威天聰明仁帝高妙音自白崖起兵據鄩閩時有妙音之

甥成賢成正二人來謁意在奪鄯闡妙音覺之與之盟於
 天壇廟二人口含丁香葉出廟吐之曰盟非我也葉也未
 幾二人起兵方戰見白馬將斬之白馬將乃廟中二力士
 也光宗庚戌紹熙元年修十六寺甯宗乙卯慶元元年修
 龍首龍尾二關三陽城甯宗庚申慶元六年智興卒在位
 二十八年子智廉立

智廉

偽諡享天皇帝

智廉南宋甯宗庚申慶元六年即位明年改元鳳歷又改
 元元壽使人入宋求大藏經一千四百六十五部置五華

樓甯宗乙丑開禧元年智廉卒在位五年弟智祥立

智祥

偽諡神宗皇帝

智祥南宋甯宗乙丑開禧元年即位明年改元天開又改
 元天輔仁壽征三十七蠻部至尋甸平河水絕流理宗丁
 酉嘉禧元年封高隆鄯闡王以高泰祥為相國以光日為
 演習大府主將也舉賢育才時和年豐稱治國焉理宗戊戌嘉
 禧二年智祥禪位為僧在位三十三年子祥興立

祥興

偽諡孝義皇帝

祥興南宋理宗戊戌嘉禧二年即位明年改元道隆理宗

南言野史 卷一
甲辰淳祐四年蒙古兵出靈關伐大理祥興遣將高禾迎戰禾敗死之段連祐歸宋宋遣使弔祭致經書銀緞爲高禾拒蒙古兵戰歿也理宗辛亥淳祐十一年爲蒙古憲宗蒙哥之元年祥興卒在位十三年子興智立

興智

贈天定賢王

興智南宋理宗辛亥淳祐十一年卽位明年改元利正又改元興正天定是年南宋理宗王子淳佑十二年爲蒙古憲宗之二年七月丙午太弟忽必烈等奉憲宗命伐大理受制專征以大將兀良合台總督軍務八月次臨洮由六

盤踞吐番凡行山谷二千餘里無人之境先遣王律朮王候王鑑來諭大理道阻而還九月次忒刺分三道進兀良合台率西道兵由晏當路諸王抄合也只烈率東道兵由白蠻忽必烈率勁騎由中道乙巳至滿陀城留其輜重十月過大渡河十一月至白蠻打部砦十二月再遣三使入大理招興智皆被殺智命相國高泰祥守金沙江與蒙古將伯顏不花虎兒敵等相持忽必烈命衆以革囊潛濟江破吐番陟摩荻出石門所過降之遂進薄大理泰祥回軍奉興智拒戰不勝蒙古兵入上關智奔鄯闡泰祥退至統

失邏

先為姚安府府裁今為姚州屬楚雄府

募兵於三十七蠻部未至而蒙

古兵已長驅而入秦祥被執至大理不屈乃斬於五華樓

下祥臨刑嘆曰段運不回天使其然為臣殞首蓋其分也

時白日正午忽雲起雷震天鼓大鳴忽必烈曰忠臣也秦

祥夫人段氏抱孤兒高瓊高長壽等伸訴忽必烈目兒顧

左右曰此忠臣後宜善視之許以世其官

高秦祥為大中國昇秦九世孫

遂滅段氏而有其地得五城八府蠻部三十有七乘勝入

吐番降其酋明年南宋理宗癸丑寶祐元年為蒙古憲宗

之三年忽必烈班師大將兀良合台拔都闡獲興智以獻

憲宗命赦之封為摩訶羅嗟管領八方仍守其地世襲總

管計興智在位二年憲宗授兀良合台銀印加大元帥還

鎮大理以劉時中為宣撫使與興智同安輯焉南宋理宗

庚申景定元年為蒙古世祖忽必烈之中統元年興智率

其季弟段信苴福北行朝於世祖道卒計為總管又七年

蒙古遣使來祭弔文曰段氏承八姓正位歸有新統既順

天時以向義猶得國王以棲遲實國家待遠方之仁由賢

王能左右之義受命以來朝夕惕勵賴爾維勤用征不廷

正當共高亨嘉之運胡意遽罹霜露之災嗚呼當朕未集

大統乃為叔季之國茲既承景運合正君臣之稱案錄不替於子孫詔祿宜昭於典冊特遣太常省祭贈為後理國向義天定賢王段公尙賴神庥永保祚土所贈王爵後不為例明年南宋理宗辛酉景定二年為蒙古世祖中統二年世祖勅授王之弟信苴曰即段思言守大理命之曰向率我以臨爾境衆據國人之請因從城下之盟欵附而忠勤益著庸示至優之禮以彰同視之仁可革帝號錫以虎符總理大理鄯闡威楚統矢會川建昌騰越諸郡撫御已附之民招集未降之國卿其勉之

按段氏後理國自段正瀄復國起宋哲宗丙子

紹聖三年訖南宋理宗癸丑實佑元年傳八世

共一百五十七年

總計段氏大理後理二國傳二十二世共三百零十五年

蘇精對刃大野發野二國對二十二册共三百零一

動益著共一百五十五手同視之仁可幸帝號錫以

符總理蘇聖三爭請南宋野宗突氏實命示手對六刊

附之民對野刃對野國自遊五高野國賦宋昔宗丙七

